

歷世真仙體道通鑑卷之十

賦十

浮雲聖壽宮道士趙道一編修

李八百

李八百蜀人也莫知其名初來卜居於筠陽之五龍岡又名赤岡寨今高安郡治是也有萍初池七星井存焉歷夏商周年八百歲又動則行八百里時人因號為李八百或隱山林或居塵市後修行於華林山石室丹成道備遠蜀中至秦時知唐公房有志而不遇明師欲教授之乃先往試之為公房作傭客公房乃不知仙人也驅使八百任意過於他人公房甚愛之後八百詐為病因欲卒公房乃命醫念藥費用數萬錢不以為損憂念之意形於顏色八百又轉作惡瘡周遍身體潰爛臭濁不可近也公房乃流涕曰汝為吾家勤苦歷年而得篤疾甚甚要汝得愈無所吝惜而今正爾當奈若何八百曰吾瘡可愈須得紙之公房令三婢執之八百又曰婢執不能使吾愈若得君紙之應愈耳公房即自紙之八百言君紙後不能使吾愈若得君妻紙

之當差公房乃復使妻紙之八百曰吾瘡已差欲得三十斛首酒以沐浴乃當都愈耳公房即為具酒三十斛致於器中浴瘡即愈體如凝脂亦無餘瘡乃告公房曰吾是仙人子有至心故來相試子定可教也今真相授度世之訣矣使公房夫妻及紙瘡三婢以其浴餘酒漂洗即皆更少顏色美悅以丹經一卷授公房入雲臺山中合作丹丹成乃服之仙去也一傳載公房作公昉云唐公昉與元府人也飲李八百仙酒後拔宅飛昇今有斗山觀是其遺迹洪元寶錄云李脫學長生之道周穆王時來居蜀之金堂山龍橋峯下合九華丹丹成去遊五嶽十洞二百餘年於海上遇飛陽君授水玉之道還歸此山煉藥成又去數百年或隱或顯遊於市朝後復曰龍橋峯下煉金鼎還丹丹成已八百歲矣蜀人歷代見之因號曰李八百凡三於此山學道故世人號此山為三學山一云樓賢山九域志今據安軍仙居觀圖經云李八百於此上昇華林山寶錄云李八百於漢州金堂縣三學山白日沖

昇石室在浮雲觀西一百步中峯下開一丈高如之號八百洞天東南角又有洞門繞容人入行經數丈漸漸高廣其深莫測唐玄宗開元初年孫天師授得張天師秘訣藏於此洞人又呼為孫天師洞武宗會昌中邑人龔氏入此洞獲得六丁祈雨訣一卷每遇亢旱祈禱立應懿宗咸通五年高安道士朱元整入此洞於石函中獲經二卷上有題云真風顯色性元整思曰性姓也色性必朱氏也遂還高安闡授經教盛行於時此洞前後入者甚眾經歷之狀各異惟穢濁之人自有阻障信手神仙窟宅不容無道者妄入窺測也浮雲觀宋改浮雲山聖壽萬年觀隸隆興府奉新縣

匡績

匡阜先生姓匡名績字君平云子孝南楚人也或曰本夏禹之裔生而神靈兒時便有物外志周武王時師柱下史老聃得長生之道遂結茅於南嶂山虎溪之上隱焉室中無所有唯置一榻簡策數編而已武王聞其名

屢加徵聘不起居歲月之久有少年數詣之  
 自通曰姓劉名越家在前山之左邀先生過  
 之且曰至山下有石高二尺許即于舍績後  
 如約而往至山下四顧無居室果唯一石乃  
 扣之石為之開若雙扉然有二青衣執絳節  
 前導先生漸見樓臺差差金碧輝映禽鳥翔  
 翔花木珍異其少年頂玄玉冠朱紱劔佩陞  
 堂接引先生悟非人世心欲求駐少年謂先  
 生曰子陰功未滿後會可期遂飲以玉酒三  
 爵繼索延齡保命湯一啜先生告別而出反  
 顧其所惟巨石宛然先生自得遇之後神觀  
 日益精明而功行不輟定王嘗問桂史伯陽  
 父方今神仙之在世者伯陽父舉五嶽諸仙  
 以對先生其一也王乃召之先生逃不見至  
 咸熙王時復遣使以安車迓之未至之先先  
 生曰時至矣遂白日騰空而去使者訪其所  
 隱空存靖廬使回因奏請以南嶺山為靖廬  
 山邦人亦以先生姓氏呼為匡山曰匡阜曰  
 匡廬其後避宋太祖諱改匡曰康至今其鄉  
 若杜皆因先生而命名虎溪由是為三十六

福地派元寶錄云樓觀非釋名土山曰阜此  
山本名南嶺古上有三天子障也古祀  
禹鑄則故亦呼南嶺先生飛昇之後上帝命  
 司吳楚水旱及賜以主溫之印統攝八部溫  
 神俗因號為和溫康阜先生先生高弟二人  
 一號白鹿真人一號洪子真今廬山有煉丹  
 洪井白鹿洞是其遺迹漢武帝元封元年南  
 巡狩登祀天柱嘗望秩焉繼而射蛟溇陽江  
 中顧問此山何神主之博士劉歆奏曰匡績  
 先生得道於此帝由是封先生為南極大明  
 公仍命立祠於虎溪舊隱列於祀典迨至東  
 晉鴈門僧慧遠遊羅浮日夜宿祠下愛其溪  
 山之勝謁郡守桓伊曰昨夢匡先生願捨祠  
 為寺伊從之今東西二而遷先生祠于山口  
 之乾維唐開元間再興建天寶初明皇命  
 使致齋尊為仙朝土民水旱禱疫禱之皆應  
 南唐保大中相國周宗控節南服而臨九江  
 觀廟貌廢殘復加興建始召道士闕元隱主  
 之以備香火之奉復奏賜田莊一所永充齋  
 贍宋英宗治平中賜額為觀錫名壽聖行郊  
 祀降祝版州遣武軍酌獻永為壽興建中靖

國元年徽宗詔封先生為靖明真人高宗紹  
 興三十二年避德壽殿尊號改賜額廣福壇  
 山白玉蟾題古風云武王笑騎青玉驪生紫  
 老村而磔之四海蒼生盡札瘥林下招人甘  
 忍饑有人著書嵩山下亦有首陽采薇者八  
 魁流瘟毒赤子八絃風車吹火馬吾聞康續  
 隱靖廬青牛老人授以書紫皇錫之斂瘟靈  
 天下蒼生漸痊枯既聞人間爵十亂膠志如  
 芝飲春潤定王烈王呼不起泰王船到靖函  
 岸及其望夷已蒼苔中原一鹿走之漢好仙  
 天子矢江龍遂封先生大明公晉僧愛地哉  
 白蓮夢詔牧樹佛宮吾疑老聃昔化龍公  
 意無乃與聃同虎溪之水蟠青龍虎溪之山  
 摩蒼穹後人因笑葛洪錯晚到廬山運動脚  
 葛洪去後幾人來滿洞白雲寒漠漠  
 臣道一曰匡績以周王屢徵之不起礪志  
 於道其視王侯之貴金玉之富曾土芥之  
 不如矣卒能功成行滿白日冲昇道德經  
 曰雖有拱壁以先駟馬不如坐進此道此  
 誠匡績以之後世得道之士不事王侯高

高其事或飛昇或尸解不知其幾千人矣  
其殆本于巨鱗乎

王子

王子者姓章名震南郡人也少學眾經周幽  
王徵之不出乃歎曰人生世間去生遠去死

轉近矣但貪富貴不如養性命盡氣絕則死  
位為王侯金玉如山何益形為灰土乎獨有  
神仙度世可以無窮爾乃師蔡子具受眾經  
乃別造一家之法著道書百有餘篇其術以  
務魁為主而精於五行之意演其微妙以養  
性治病消災散禍能起飄風伐屋折木作雷  
雨雲霧能以草芥及石為畜龍虎立便成  
行分形為數百千人能步涉江海含水噴之  
皆成珠玉遂亦不變也或時閉氣不息舉之  
不起推之不動屈之不曲伸之不直百日數  
十日乃復起與弟子行各九泥為馬與之皆  
令閉目須臾皆成大馬乘之一日行千里又  
能吐氣五色起數百丈飛鳥過指之即墮地  
臨淵投符召魚鼈即皆上岸又能使諸弟子  
舉眼即見千里之物但不能久也其務魁時

以器盛水著兩魁之間吹而虛之水上直有  
赤光輝輝起一二丈以此水治百病病在內  
者飲之在外者澡之皆便立愈後入崆峒山  
合丹白日昇天

雜明

太陽子姓離名明本王子同年之親友也玉  
子學道已成太陽子乃事王子盡弟子之禮  
不敢懈怠然王子特親愛之有門人三千餘  
人莫與其比也而好酒常醉願以此見責然  
善為五行之道雖鬢髮斑白而肌膚豐盛面  
目光華三百餘歲猶自不改王子謂之曰汝  
當理身養性而為眾賢法師而低迷大醉功  
業不修大藥不合雖得千歲猶未足以免死  
況數百歲者乎此凡庸所不為況於達者乎  
對曰晚學性剛俗態未除故以酒自驕其驕  
慢如此著七寶樹之術深得道要服丹得仙  
時時在世間五百歲中面如少童多酒故其  
鬢髮皓白也

杜宇

杜宇蜀主也蜀嘗大水宇與居人避水於長

平山在青城味江之築城壘居第後靈開  
峽治水人得陸處宇禪位與之自居西山得  
道昇天靈靈子孫世有蜀主傳十二葉至開  
明尚為秦所并乃通中國

李冰

李冰楊唐皆蜀川得道之士役禦鬼神驅斥  
雲龍無所不能嘗開明氏時游息於蜀故嘗  
佐開明氏理水為蜀除患至秦孝文王時冰  
為蜀郡守開江灌田萬頃時巫言每歲江伯  
取童女一人為婢冰至江祠責之忽不見良  
久有二蒼牛鬪於岸上有頃冰遂流汗謂官  
屬曰吾聞大困能相助邪南向腹中白者我  
變也頃復聞主簿刺北向者江伯乃死江水  
不復為災亦不復娶矣冰琢五石犀以厭水  
一在青城二在犀浦一在成都市橋一在江  
中又於縣北玉女房下白沙堆立三石人於  
水中與江神誓曰涸不出足漲不至看令如  
其誓石人今在江左岸上蜀人世世紀水唐  
玄宗幸蜀以冰功及於人命飾祠宇追加司  
空相國今諸有水泛之處鄉里為冰立廟水



勢即止揚磨亦有神術能伏龍虎亦於大旱江側決水灌田與龍為誓

魯般

魯般斲人功倖造化嘗怨吳人殺其父於蕭州城南作一木仙人手指吳地吳地大旱三年卜曰般所為也齋物謝之般為斷其手其月吳中地大雨

馬成子

周秦之間天下鼎沸強侵弱舉暴亂轉征伐人不遑安扶風人馬成子觀而歎曰百年之命六尺之身不能自保者舉世然也天既生我必有可延之道何為自投於死乎我聞道者萬物之祖稟生之元化生之本天地之根歷世不變湛然常存我何由得明師而示我修道之門乎與此念歷年遂棄家訪師求道聞岐山之陽汧渭之側有伯陽川是老君與尹喜經行之所有老君授西伯至道之書乃往尋焉至伯陽川適遇一童子問成子曰何求而登山耶成子告以求道童子笑曰我事老君萬二千歲矣尚未聞大洞希微之道

今子幾歲遊隨隨躡躡之內而欲求道不亦難乎成子異其言再拜稽首求哀請命曰朝菌之生瞬息之命非聖人延之將復委朽壤淪糞土一失此身何時復得聞道乞聖人哀而教之童子曰我太上之侍童爾年且幼眇未聞大道無以教子但子苦志丘泉勞迹損神孜孜念道亦甚可念然我聞太上老君昔謂鬱單天王曰道生萬物物不離道得道者生失道者死道在於身不在他人今子勞涉山川履此險艱蓋為有志然去道遠矣成子復拜問曰道之在身何門修之童子因授以胎元煉氣之法乃入蜀臨邛鶴鳴山隱居石洞中有一人身長丈餘鹿裘毛幘策杖而至詣成子語隱地之術因謂成子曰此山有石鶴三百年一鳴鳴則此山之中有得道昇天者此鶴頻鳴子當昇天矣乃授以神丹告之曰太上道氣為內丹藥為外丹陰功為內丹金石為外丹子煉氣胎元受於黃蓋童子黃蓋玄天太陽之子與金華玉女侍太上左右歷億劫之數而常若童顏子遭值此師與親

朝太上亦無異矣內丹既成吾外丹亦可太上所教太微帝君太微帝君乃授後聖太平君太平君以訣授我我於中玄之山鼓八風之索煉五緯之精運日月之爐合乾坤之氣役三元召萬神煉之及九九之年而丹成今以授子朝九天而服之當拜太上太極上卿九華侍郎入侍玉展列為高真矣言訖衆雲而去成子敬受服之謂門人曰此山道氣非常常有大功高真功冠三天者於此得道三百年應爾遂白日昇天後天師張道陵亦居此山太上降之授三天大法師領太玄都省果三百餘年也

楚康王

楚康王未見名本懷王之後也素有賢行服衆故國人立之秦始皇吞併六國為三十六郡康王窮蹙乃逃奔於廬山遂入山東南深谷以避難於是潛禱於山神冀有陰助時將軍王翦領兵至谷口見煙霧霖霖雷雨暴集洞壑瀉瀉不辨道路翦始懼退師康王得免遂見人馬之迹其去甚速今山側有馬劉嶺

是也康王乃歎曰昔舜南巡不返吾得隱廬山老林泉足矣愈入深谷不復出久之遇異人得道後入入山時有見之者顧其舉動異常悶之得其所或自言其姓名曰張大同初乃立觀其側武帝詔為康王觀戴師會贊曰陳舜俞廬山記稱楚康王昭以春秋魯襄公二十一年卒魯陳鄭許之君送葬于西門之外諸侯之大夫皆至于墓時楚方強去王爾滅楚者凡三百二十六年其間容復有康王邪殊不知周前有定王瑜後有定王介魯前有文公與後有文公實則是周有二定王魯有二文公也審此則康王昭之後復有康王固無足怪偶太史公不之載爾况廬山名賢多不見於正史而雜出於傳記邪

唐建威

秦三將軍者一名建威姓唐氏一名德及姓李氏一名雲刀姓宋氏悉不知何許人始皇時三人皆武士有大功於國爵位崇重既而見秦政日亂乃相與謀曰時勢去矣英雄起矣方今小人滿朝正言不用王道失存政事

乘錯不早為之所吞徒其燕肉矣時有名宦十人皆正人君子亦相率而去之於是十有三人皆棄官學道訪名山入煙蘿如鹿脫羶場無復反顧之意遂經廬山之陽至紫霄峯下愛其山水之勝三人欲遂栖焉十人曰不然初志歸羣玉洞府豈可中道而廢言訖未行一夕雷電奄至洪流泛湧巨視廬舍左右化成二溪溪中盤石上有玉簡天篆云神化靈溪金簡標題真人受真玉洞潛棲十人莫知所往三武士遂棲于溪側種桃茹芝為養

真之具建威曰當慮以獲貧德及曰當藥以濟病雲刀曰當言以滌迷異術同功而達近蒙其福久之但見祥雲遊空雙鶴飛舞自是三人得道仙去矣後人指其居曰三將軍洞而置祠焉至漢武帝時賜名靈溪觀

歷世真仙體道通鑑卷之十

歷世真仙體道通鑑卷之十一 河一

浮雲山聖壽萬年宮道士題 道一編補

孔丘明

孔丘明駱法通吳天印張法樞謝志空周山用鄒武君謝幽出楊元中何紫霄輩十三人當秦之二世惡聞其亂因相與交結潛志罷官遠訪大道內三武弁李德夏宋雲刀唐建威莫許氏族爵里初至廬山便欲休息一夕疾風甚雨結成一溪中得石刻云神化靈溪金簡標題真人受真玉洞潛棲三人遂留溪今靈溪觀是也十人者孔公家玉簡山西南吳公家滄江之西孔曰江南群玉峯係第十七洞天號大秀法樂之天山秀洞靈可躡樓遊初志如此豈得中道而廢十人結東前趨群玉孔曰洞天之西奇峯皆秀必有靈巖德息朝元果於東南石壁之前達一窟穴壁上